

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacræ Regiæ Majestatis
Borussicæ Magni Cancellarii, A Consiliis Sanctioribus
Status Et Rei Bellicæ, Ordinis Nigræ Aquilæ Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiæ, 1766

LIB. XXVI. TIT. V. De Tut. Et Curat. Dat. Ab His, Qui Jus Dandi Habent, Et
Qui, Et In Quibus Causis Specialiter Dari Possunt?

urn:nbn:de:gbv:45:1-9050

Pruckm. i. con. 27. n. 114. Carpz. p. 2. d. 122. Et p. 2. Const. 11. def. 13. ubi præjudicium exhibet, quod tantum excipit avos paternos; qui soli præferuntur matri. Unde apparet, jus vetus in *L. 2. L. 3. C. Quand. mul. tut. off.* mutatum esse per *Nov. 118.*

Qv. V. *An legitima tutrix removeatur sola prohibitione testatoris?*

Dissentit Laut. pag. 463. verb. neque eam.

AFFIRMATUR ratione certæ personæ, non vero ratione omnium legitimorum tutorum: idque apparet (1) ex *l. 21. §. 2. de tut. dat.* ibi: *Sed Et si quis a parentibus prohibitus fuerit tutor esse, hunc neque creari oportet Et c.* (2) ex *Nov. 118. c. 5.* ubi a patre testamento datus tutor præfertur matri addita ratione: *defuncti namque voluntatem Et electionem præponi volumus.* (3) ex *L. un. C. Si contr. matr. vol.* ubi contra voluntatem matris tutor non admittitur, nedum ergo contra patris voluntatem. Accedit (4) quod consilium patris semper optimum censeatur.

OBJ. *arg. L. 11. de R. J.* ubi quod nostrum est, uti jus tutelæ legitimæ, sine facto nostro, adeoque nec prohibitione patris, nobis auferri nequit.

RESP. Falsum est, quod tutela legitima sit jus uxoris testatore prohibente, quia ei inest conditio: nisi pater prohibuerit. *dd. LL.*

Ex c. Si non prohibitione patris, sed per statutum a successione excludatur; tunc enim non excluditur a tutela legitima, quæ juxta ordinem successione defertur; quia hujusmodi statuta sunt stricti juris. *Brunn. parat. de tutel. q. 13.*

LIB. XXVI. TIT. V.

DE TUT. ET CURAT. DAT. AB HIS, QUI JUS DANDI HABENT, ET QUI, ET IN QUIBUS CAUSIS SPECIALITER DARI POSSUNT?

Qv. I. *Quando dativæ tutelæ locus sit?*

RESP. Quando nulla tutela est, uti si (1) nullus alius tutor nec testamento, nec lege est constitutus. *pr. Inst. de At. tut.* (2) Si est tutor, sed vel sub conditione, vel in diem datus. *§. 1. Inst. h.* (3) Si inchoata tutela post mortem, sed deficit in perpetuum. *§. 6. I. h. L. 15. L. 16. h.* (4) Si ab hostibus captus est tutor. *§. 2. I. h. tit.*

Qv



Qv. II. *An tutoris datio hodie sit jurisdictionis ordinariæ?*

NEGATUR: Sed tutor datur a magistratu, cui id in specie concessum est: si vero talis specialis magistratus non est, relicta videtur tutelæ datio ordinario. Vid. *Illustr. Dn. de Printzen in disp. de tutel. illustr. Sect. 1. §. 5. Gudel. J. Nov. L. 5. c. 3. Dn. Par. in Hyp. iis. Inst. h. §. 1.*

Effectus insignis est, quod mandari alii non possit, *L. 1. de Off. ejus. L. 8. h. t.* neque id mutatum est per *R. J. de ann. 1548. & 1577.* ubi Imperator Statibus Imperii curam pupillorum commendat; nam Statibus Imperii non vi mandati tutores constituunt, sed vi regalium & jure superioritatis territorialis magistratibus suis eam facultatem tribuunt: ipsi igitur Status per modum pacti in *dictis Recessibus Imperii* promittunt, se curam pupillorum habere velle; non ergo per modum mandati id eis injungitur. Vid. *Dn. Berger. h.* Hinc jam quaeritur: an Camera Imperialis, immediatis Statibus & subditis tutores dare possit? Quod affirmat *Laut. h.* ibique *Gail. L. 1. O. 1. n. 47.* Nos verum id putamus de officialibus Cameræ, aliisque immediatis; ut Nobilibus Imperii &c. Non vero de Statibus imperii, qui ipsi leges circa tutelam constituere possunt, deficiente autem tutela, solus Imperator tutorem constituit. Vid. *Cocej. J. Publ. cap. 32.*

INSTO: Camera habet jurisdictionem ordinariam; ergo tutelæ datio videtur esse ordinariæ jurisdictionis.

RESP. Imo exercet non vi ordinariæ jurisdictionis, sed quia alii in specie concessum in Imperio non apparet.

Qv. III. *An tutor sub conditione dari possit?*

NEGATUR: Sed pure dari debet; quia est actus legitimus. *L. 6. §. 1. de Tutel.*

Atqui datur tutor pendente conditione testamenti, eaque existente definit; ergo potest sub conditione dari.

RESP. Hoc non est ex vi conditionis, sed potestate legis, qua testamentarius præfertur; Magistratus ergo pure interim dat, etiam a lege insit tempus.

Qv.



Qv. IV. *An tutores debeant jurisdictioni dantis esse subiecti?*

Laut. pag. 464. verb. modo sint eius &c. AFFIRMATUR, *L. 1. §. f. L. 3. h. L. 3. C. qui dar. tut. L. f. de Jurisd.*
 OBJ. *L. 10. de tut.* ubi etiam non municipales tutores dari possunt.
 RESP. Hoc intelligendum positis terminis habilibus, scil. si a sui municipii Magistratu ad id confirmatur, uti id explicatur in *L. 24. h. Conf. omnino Dn. Berger. resol. Leg. obst. h. t. q. 1.*

LIB. XXVI. TIT. VI.

QUI PETANT TUTORES VEL CURATORES, ET UBI PETANTUR.

Qv. *An mater privetur successione, si tutores non petierit intra annum?*

Laut. pag. 465. verb. mater tutores &c. AFFIRMATUR, *§. 6. de SC. Tertull. L. 10. C. de Legit. haer.*
 OBJ. *L. 2. §. 23. 35. & 38. ad SC. Tertull.* ubi nullum tempus additur.

RESP. In genere quidem ibi dicitur *confestim & sine mora* tutorem sub poena privationis peti debere. Sed hæc indefinita restringitur ad annale spatium *d. L. 2. §. 43.*

Bene observat *Dn. Berger. h. jure novo* matrem esse tutricem legitimam, indeque eam sententiam vix usum habere, nisi mater ad secunda vota transferit.

LIB. XXVI. TIT. VII.

DE

ADMINISTRATIONE ET PERICULO TUTORUM.

Qv. I. *An tutor honorarius possit administrare, si velit?*

Laut. pag. 466. verb. possunt etiam. AFFIRMATUR, *L. 39. de Acquir. vel omitt. haer. L. 14. §. 1. de Solut.*
 OBJ. Favorem pupilli esse, ne plures sint tutores.
 RESP. Cum honorarii quoque periculum suscipiant, non debet favor pupillorum in eorum præjudicium torqueri.

Qv.

